

愚

齋

存

稿

愚齋存稿卷第四十三目錄

電報二十

鄂督張香帥來電

又

又

袁慰帥來電

又

劉峴帥來電

又

寄北京慶親王李中堂

寄保定榮中堂

劉峴帥來電

張香帥來電

袁慰帥來電

劉峴帥來電

袁慰帥來電

寄北京慶親王李中堂

寄侯馬 行在王中堂

寄西安端中丞馮方伯濟南袁中丞

袁慰帥來電

愚齋存彙卷第四十三

電報二十

鄂督張香帥來電

光緒二十六年閏八月十三日
兼致劉峴帥袁慰帥王灼帥

濟奏江片均佩忠惻竊謂陝文電初八 啟鑾初

十到平遙收回幸陝成命一說此時不必再進管

見不請 回鑾但請 明諭終必 回鑾不阻

幸陝而阻遷都於陝且力言遷陝不和仍不能存

且速其亡宗旨與兩公略同而措詞稍異少刻擬

合兩公奏片參以鄙見併爲一稿電請兩公酌定

如以爲可鄙人當附名且六使公電十四日必達

御覽須看此奏到後如何處置或俯從或激怒
再行相機進言則語較緊切此時但請杏翁電傳
相先告各使 幸陝確係暫局非常局想傳相早
已言之矣總之彼族之動靜喜怒專在懲辦之輕
重不在巡幸之遠近也駐陝之久暫專看怙非者
之能否自保各國要挾有無萬不能允萬不敢言
之條不在言京畿之關繫也欲免要挾萬不能允
之事卽專看懲辦之輕重庶可爲悔過之實據而
後可與各國力爭婉商也可否稍待一兩日再發
統請裁奪速復

又閏八月十三日兼致峴帥慰帥

德教習自滬回鄂據云已見德統帥素知其人極老成穩重決非用武生事者即以前有圖海州之說近有駐德州之說堅云謠言斷勿信並述德統帥語云膠州以外斷不佔一地等語當即囑其轉電德統帥勿擾海德彼族所言不占地未敢深信或不致突然各處蔓延耳

又閏八月十三日兼致劉峴帥袁慰帥善將軍

傅相電云某某如果出峴帥電云某某似已撤未免奢望千里草添營十八子送部餘事可以例推

看六君子湯何如耳新陝撫岑電只有和局大難
四字各國日增毒計途中已盼佳音事事看得太
易如何是好今房山已失西山出煤之總口斷矣
北塘續失天津出海之旁門塞矣山海關已危由
京赴遼之要路斷矣此時已非完璧再遲則逼成
瓜分各國明出題目而我不答寬留期限而我不
知總由一人怙非以致於此鄙人愁急萬狀更甚
於京城初陷時也

袁慰帥來電

閏八月十三日兼致峴帥香帥

滬文各電悉俄德使煩言似宜由傅相慶邸據實

電奏必有濟諸帥似難設法西幸則和議恐緩諸
謬恃險更不知有何變局轉瞬北洋各口凍封其
分兵進兵自在意中惟有協力補救以俟命耳杏
公銜已電陝附名

又聞八月十三日兼致峴帥香帥

鄂覃午電悉香帥合擬必更周密峴帥想有同見
已電陝緩繕惟拳黨誤國天下患恨去之天下悅
服各語似須痛切言之又 慈聖仁孝法祖如
以陵寢爲說必動心請酌

劉峴帥來電

聞帥

八月十三日兼致善將軍張袁兩

鄂元丑電悉大局存亡祇爭此一線而近日舉動
去題尙遠連日焦急正復相同目下惟有全權向
各使明言和有端倪必爲嚴辦開議後詳切具陳
辦則存不辦則亡度無不允理非到至極處不能
決定若專以不辦不開議得過且過毒根不能拔
去終歸潰爛不可補救耳諸公有何良策盍以此
意達傅相祈杏翁裁酌

又

閏八月十三日兼致香帥慰帥

東滬各文電悉聯軍旣無圖南意此電可暫存杏
翁處東果有警再行鈔電送各領

寄北京慶親王榮中堂

閏八月十三日

頃接榮相眞電開初二旨實有轉機惟初十接滋軒
函告西巡准初八啟鑾奈何弟能否進京須候傳
相准信緣因有甘軍攻使館之嫌倘各國不肯接待則
莫如由傳相奏明並謂刻已接督印無須某駐守保定
請飭赴行在或可邀允至攻使館一事弟苦心斡旋
其間惜外人不知此心惟天可表耳時事艱難愚以爲
外人有要挾利害之詞卽應直陳切勿隱諱 兩宮
聖明自能洞鑒希轉達傳相何如等語

寄保定榮中堂

閏八月十三日

昨傳相電復初九已電奏各使以圖館有甘軍武衛中軍係榮某所部不肯接待保護恐有險可否特 召回行在當差云言簡意賅似可邀允宣晤英新使力辯中堂苦心保護否則洋兵數百豈能久支英使云若非天佑必盡斃恐各使仍堅執見德皇覆書仍請嚴辦禍首六駐使會劾端剛等甚激切予通奏阻幸陝慰廷約各帥請 旨宣明事定後卽回京如邀准可安中外人心封凍在卽水陸重兵不退將來如何算帳鈎見要挾利害之詞應直陳勿諱已照電傳相聞洋兵仍欲犯保定傳相曾電屬方伯搬移庫款似酌移爲妥

劉峴帥來電

閏八月十三日兼致香帥慰帥

滬轉傳相電讀悉交議仍入直難免外人藉口各使電奏極切實若得全權據各國言上陳或可動聽疆吏未敢再言各有分際也祈杏翁密電傅相籌度辦理

張香帥來電

閏八月十四日兼致劉峴帥袁慰帥奎樂帥許筠帥王灼帥綽將軍善將

軍

慰帥奏稿正大懇惻佩甚僭改數語遼東因亦不守擬改遼東亦多失守六字仁至義盡早爲中外所同欽二句擬刪親貴下句改爲仰見我皇

太后 皇上前者之苦衷今者之明斷雖外人尙
未滿意而天下士庶已莫不欽仰感動鼓舞歡呼
四十一字蓋 朝廷已加懲儆無如各國尙不滿
意不肯停戰傅相蒸電正在焦急自昔遷都至不
振者也一段擬改但查自古國家多難之時亦有
遷都之舉然必須敵人不能懸軍深入卽深入亦
不能持久我始能立國圖存今日聯軍謀堅勢眾
實與古來不同五十六字洞平生極佩蘇文忠惟
此論大謬周東遷四百年晉南渡百餘年宋南渡
百五十餘年若三朝不遷早爲犬戎劉曜金人所

滅矣靖康時何栗引蘇論以誤徽欽崇禎時光時
亨阻遷都以誤懷宗故蘇說萬不可引也荒瘠貧
苦句擬改自宋金元明至同治以來屢經兵災商
稀民瘠十八字京疆改京畿二字餉源益竭句改
餉源愈竭運道愈梗八字夫以秦隴六句擬改夫
以偏僻彫敝之秦隴供萬乘百官之資糧久將不
給以屢次挫失之兵欲抗合縱連橫之強國勢必
難支四十一字因一隅之兵力句本甚好惟隔上
文較遠恐排別者謂各省不救也至收回幸陝
成命句似非啟鑒後語然改之則摺似與片複

或卽不改何如峴帥片稿極周妥分佔要地句下
擬加停戰無日四字管見擬另附一片旣免夾雜
且較醒目其文曰再接使俄大臣楊儒江電述外
部之語曰勢必大舉西向恐未定咸陽之居又將
稅蘭州之駕等語臣等所聞各國議論大率皆同
今日幸陝之舉議者必以爲秦中隩區遠於海
口又有黃河潼關爲限險隘可守敵來較難拒敵
較易不知古今兵事實有不同八國環攻與一國
構衅又不同今日戰鬪須憑槍力守禦須憑礮力
潼關同州等處之黃河僅寬三四里愈上愈狹外

國陸路行營快礮七生口徑者可擊六七里八九生口徑用馬拖運者可擊七八里新式長田雞礮可隔山遙擊數里中國皆無之僅憑土礮小洋礮豈能守河守關各省槍少彈缺自造無多假使敵兵深入中原運陝必然梗阻不過數戰彈子卽罄雖有忠義軍民徒手亦難禦敵蓋一國則深入難入國則接濟易此陝省拒敵之難也又查外洋通例凡係有和約之國必駐公使若其國爲公使所不能駐者卽不視爲與國不立和約卽使遷都各國別無疑議亦必各遣公使來陝駐劄經此次變

故以後使館必派洋兵保護距海愈遠洋兵愈多
且山西河南直隸三路必節節皆駐重兵是無論
遷都何處必有使館洋兵徒使中原數千里皆爲
洋兵盤踞此陝省定都之難也總之陪都之計全
在平日經營若戰敗以後則敵人必又責言矣守
險遠海亦禦外之一策若海口旣已屬人內地素
無守具則險者失其險矣各國併力各省分擾彼
有接濟之便我無持久之方腹背受敵跋前疐後
則遠者失其遠矣此須俟事定以後從容籌之遇
一國生衅之時必先結援數國移蹕陪都軍械充

足礮台周密再行開戰最爲要著然非所論於此時也以上各情恐議者或未詳考不敢不據實上陳以備 朝廷裁度謹合詞附片奏陳仰祈聖鑒謹奏等語請硯帥杏翁及諸帥細酌改定速示諸帥以爲然否請徑電陝及做處

袁慰帥來電

閏八月十四日兼致硯帥香帥

甯覃澍元電悉楊使電極痛切如各省會奏繼之能由平陽折赴汴暫駐較易就緒俄謂集兵固圍兩意殆非無因諸禍首抵陝後恃遠負固必有一番把持和議愈遠毒根愈深無從收拾請杏公速

電傳相會慶邸切實直陳並請香帥卽擬稿電陝會奏盼切

劉峴帥來電

閏八月十四日兼致香帥慰帥考帥

鄂覃午東元電悉香帥所論極是請另擬稿見示公使電奏迄無信若激怒必決裂日前俄德使向傳相所言不審入告否事至萬分危急先惟有暢平言之殆如仁和所云亦有定數存焉

袁慰帥來電

閏八月十四日兼致峴帥香帥

李使來電證以津探犯東一說似非無因然尙無形跡頗難措詞待有形跡恐又無及現似不必指

明德俄亦不必專指德州謹照香帥原電僧增易
數處乞核改後轉囑杏公或先達各總領看其如
何回覆文如下傳聞聯軍將赴津京以南尋勦拳
匪並有往山東地方之說查自拳匪作亂袁中丞
首先嚴禁保護租界及教堂教民最爲出力旣勦
東境拳匪又派兵越境勦直邊拳匪共誅戮數千
人境內現均平靖在東各國洋商教士及他處避
亂往東者此次未傷一人實爲東北各省所未有
想爲各國官民所共諒袁中丞前又屢次奏請勦
匪復又迭次聯名奏請救使並請懲首禍此皆山

東顧全大局力阻戰事之明證 朝廷今已極意
願和雖未開議漸有轉機而山東境內實無匪可
勦卽偶有蠢動東省兵力足以彈壓各國出兵以
勦匪救使爲名素不讐視山東似無侵入東境之
理萬一傳聞非虛恐宵小乘閒竊發地方糜爛必
將甚於直境非數十年不克復元與各國利益亦
大有損礙請各總領事電達各欽使及各外部顧
念山東無辜生靈保全中外利益不應爲直境拳
匪所累致受兵火之禍共持公議設法勸阻請聯
軍毋往東境則非獨山東數百萬良民心感各大

國之大義卽南方各省聞之亦曉然共知各國並
無遷怒無辜之舉和局一定嫌怨盡捐豈非盛美
坤一之洞因山東保護商教與長江各省事同一
律故不能坐視不言望迅速轉電仍希電復云統
祈酌定

寄北京慶親王李中堂

閏八月十四日

呂使眞電德自奉覆書雖未盡釋已有轉機楊使單奏
諫幸陝極痛切惜已啟鑾現商各督撫請降旨
宣明事定撤兵卽回鑾以安中外各國謂禍首抵陝
後恃遠負固毒根愈深無從收拾似非無因榮相電請

是實存真
卷四十三
鈞處直陳勿諱若趁此時內外合力或邀洞鑒午橋赴
潼迎駕電奏可交馮藩司轉遞

寄侯馬

行在王中堂

閏八月十四日

呂使電德自奉國書雖未盡釋已有轉機惟各國均以
幸陝爲非真心議和頗有異議恐逼成分裂偏安之
局若能降旨宣明事定撤兵後仍卽回鑾當可安
定中外人心現委孫道寶琦總辦長安電局並帶貢品
十三起行

寄西安端中丞馮方伯濟南袁中丞

閏八月十六日

籲懇

明旨事定回京一摺列名者將軍綽哈佈壽蔭

善聯總督劉坤一張之洞奎俊許應騷魏光燾德壽巡撫劉樹棠于蔭霖袁世凱王之春大理寺少卿盛宣懷共十四人仍應南洋大臣劉領銜請速繕發電示

袁慰帥來電

閏八月十六日

頃接榮相寒電既不接待去亦無益已據合肥函告情形十四日具奏並自請馳赴行在於十六日啟程由正定取道彰德由豫入秦迎摺西上倘能於途次奉准合肥之奏卽赴行在則甚妙矣等語

又閏八月十六日

甯咸電悉各領文刪改各節尤極穩妥請杏兄酌辦萬不可登報如東省得保全仁人之賜大矣

寄北京慶親王李中堂

閏八月十七日並轉行在軍機處

頃日本外部侍郎面交日主恭答國書一道其文曰大日本國大皇帝復大清國大皇帝頃接國電迺悉大皇帝追念敝國公使館書記生杉山彬前因貴國官兵殘忍暴戾之舉被戕身故情事已派貴國禮部右侍郎前往致祭並賞祭葬銀五千兩靈柩回抵本國時著派貴國使署參贊官再行奠醊以示惋惜之意等情藉以欣慰又云諄勸各國早定和議則保全貴國大局裨

益實多不勝禱切盼切之至等語至於克復平和一節
不特 大皇帝所盼朕亦深望之惟 大皇帝如果切
望平和宜須明降 諭旨斷不舉用守舊頑固之人亟
應簡選中外重望有爲者派爲大臣另立一新政府並
望 大皇帝不幸陝西卽回北京以靖民心而表自覺
開罪友邦之過實據則各友邦豈有不允議和之理務
望 大皇帝接納朕此次誠實勸言朕不勝翹望之至
明治三十三年十月初九日理合電陳請代奏云除轉
行在外謹聞

張香帥來電

閏八月十七日兼致李中堂劉袁二

頃接日本十六日來電山海關初八失奉吉江俄
兵四支數逾四萬一由琿春占甯古塔一沿松花
江占三姓逼伯都訥一由愛琿占墨爾根齊齊哈
爾一由旅順占復蓋海熊營均向奉吉省城此兩
旬前事月內恐全失又十七日來電奉天已失等
語駭急萬分特飛布請籌如何挽救速示

袁慰帥來電

閏八月十九日

榮相與千里有舊榮素熱腸恐至秦手軟頃專書
諷以大義覬帥與榮交亦深可否亦作書言之或
再約奎作書

劉峴帥來電

閏八月十九日

頃轉呂使電想達覽事機萬緊存亡祇爭俄頃擬致全權一電祈速設法轉京千萬慎密文曰慶王爺李中堂鈞鑒今日轉呂使覃電想達鈞聰坤一已據以電奏約二十一可達未知聖意如何連日接探電德帥已下令攻保定並聞奉天有十七不守說保定爲畿右咽喉奉天爲三陵重地根本要區設有疏虞秦晉震動陵寢隔絕敵人愈深要索愈甚且慮變其宗旨紛佔要地則全局瓦解詳繹德王電意首在懲辦禍首回鑾尙在其次

事急至此若再含糊遷延危亡可立而待昨與柔
使面商示以初二諭旨據稱各國多不滿意以
無切實辦法且諸臣尙在扈駕難免從中梗議云
云夫所謂切實辦法無非以諭旨交議嚴議亟
應揭曉耳國事至此人臣允宜任咎分憂除死罪
外餘亦何損奪可復予去可復還若不速定必待
迫我以不得不然則輕重由人更非保全之道應
由尊處電懇宸斷立賜施行並聲明已請懿
旨庶符各國尊崇兩宮之意王爺天潢元輔
中堂碩德勲耆同奉全權之命合詞入告定荷

恩俞此外尙有甚者似應我先以彰國憲統祈鑒
裁事係安危不勝迫切云

袁慰帥來電

閏八月十九日兼致劉張二帥

甯鄂滬嘯效各電均悉俄圖三省德攻保定聞英
亦遣兵赴粵似已漸變宗旨各國請辦首禍並
回鑾乃遠引不理激而至此日主所勒亦各國共
意如再不理危亡立見然派新政府行在實難
其人洋兵未退又不能遽回鑾表過實據復不
能辦到火候現欲補救惟有三事上設法並一面
婉復日主而三事中仍以表過爲最要現聯軍進

兵或不許傳相通電請杏兄設法必請傳相會慶
奏請實據始可入手請酌

張香帥來電

閏八月十九日兼致劉袁二帥

聖駕不日卽到潼關從此電線可通消息較靈
卽蒲州華州渭南亦可暫添報房如能與各使商
移至天津開議則請 旨往返迅速此策能辦到
否望杏翁電商傳相並飭各處暫添報房盼復

寄 行在王中堂

閏八月十九日

德日復書仍要懲辦有罪實據進呈後何如俄占東三
省德攻保定止定英亦添兵封河不了恐愈偏愈近大

局只看使臣六銜佳會奏譯呈 御覽如何疆臣十五
銜恰會奏如何兩事若無實據恐難停戰稅釐俱壞危
局難支榮相已迎摺西行木訥在樞否二王隨赴陝否
乞密示

保定榮中堂來電

閏八月二十日

弟於十四日奏請馳赴 行在十六日起節迎摺
西上十七日在定州途次奉到 廷寄榮祿著前
來 行在入直辦事所有駐紮保定之武衛中軍
本日已有 旨歸李鴻章節制調遣李未出京以
前著廷雍暫行接收統帶欽此傅相初九日電奏

之力也至謂子通慰廷所陳各節及尊論封凍在
卽若不速退兵費不了均極是未知肯俯納否弟
仍擬取道彰衛由豫入秦嗣後若有要言仍祈電
聞

袁慰帥來電

閏八月二十一日

榮相奉十四廷寄召赴行在入直辦事駐保中
軍歸傅相節制云似諸使奏到有此召也

天津慶親王來電

閏八月二十一日

請速轉行在軍機大臣鑒京城自遭兵災倉庫
皆被洋兵佔奪各署存款亦搜索一空以致應放

旗步各營月餉及官俸銀米均未開放官民居戶
又迭被搶掠十室九空生計殆盡情形甚苦已見
搶掠之事若日久再不籌給勢必盜賊橫行地方
愈不堪問煢煢疾苦自在 聖慈矜念之中籲懇
天恩電飭沿江沿海各省關於應行解京各款
內除已解 行在者湊銀一百萬兩計指江蘇十
五萬四川十五萬廣東十五萬浙江十二萬江西
十二萬湖北八萬安徽五萬福建八萬湖南五萬
山東五萬均限九月內全數解滙交江海關道兌
收卽由該道轉交匯豐銀行訂期如數滙京俾得

酌量勻放萬眾待命不勝迫切屏營之至希代奏
慶親王奕劻

又閏八月二十一日

請速轉行在軍機大臣鑒光緒二十六年閏八
月十六日收到德國國電一件謹照錄恭呈御
覽請代奏慶親王篠德國國電錄下大德國大皇
帝致大清國大皇帝電文貴大皇帝來電朕
已閱悉具見貴大皇帝寶願將本國欽差慘被
戕害大與教化相背各節按照貴國禮儀昭雪朕
頗欣慰惟朕爲德國皇帝崇奉西國聖教不能以

奠醞爲伸雪之良法也查除被戕之欽差外尙有
與朕同教之主教教士婦孺等多人均因遵奉本
教備受凌虐斃於非命今皆仰指 貴大皇帝以
伸冤抑 貴大皇帝只飭奠醞豈足以慰此項無
辜之冤魂哉照萬國公法當爲禁地之使署並受
辱各國商民天主耶穌各教友以及同朕奉教之
貴國人民均被欺凌攪害原不僅惟 貴大皇帝
是問而貴國執政王大臣並各省大小臣工所犯
之原應論死以致教化各國不勝驚駭此等背義
之員卽應從嚴懲辦如果 貴大皇帝能定其應

得之罪朕甚願視爲足以折服各國之心倘貴
大皇帝肯相幫助並准受害各國所派之官幫同
查辦朕亦無不謂然至於貴大皇帝早能回蹕
京師朕更深爲欣悅至朕所派統帥華德司朕擬
飭其不但照禮敬迓而且俾貴大皇帝大遂聖
心隨時用兵保衛聖安勦助勦匪該統帥均可盡
力辦理至和局早定一節朕亦切盼惟議定和局
之時不能不雪無辜受害各人員抵償各罪至住
中華各國人民身家得以保全隨意奉教此係朕
所厚望者也云云

潼關端午帥來電

閏八月二十一日

二十一日在潼關行次承准軍機大臣由山西聞
喜六百里遞到閏八月二十日奉 旨慶親王奕
劻著授爲全權大臣會同李鴻章妥商應議事宜
劉坤一張之洞均著仍遵前 旨會商辦理並准
便宜行事該親王等務當往返函電熟商折衷一
是勿得內外兩歧致多周折是爲至要欽此遵
旨寄信迅卽電達上海盛以便該京卿轉電各處
幸勿刻延附盛京卿知會內開本日奉有 電旨
一道希貴京卿迅卽分電慶親王李鴻章劉坤一

張之洞幸勿刻延爲此知會閏八月二十日各等
因承准此遵卽電達貴京卿請卽分電各欽遵辦
理爲荷

又

閏八月二十二日

二十二在潼關承准軍機大臣由宗邑六百里遞
到閏八月二十一日國電四道大清國大皇帝
問大英國大君主五印度太后帝好此次中國變
起倉猝開罪友邦迺蒙眷懷夙好不加深責感佩
之忱曷有旣極用特派四品卿銜出使大臣羅豐
祿呈遞國電先伸謝悃仍祈執牛耳之盟保通商

之局轉商各國盡捐嫌隙速定和議則感荷高誼
益無涯涘不勝盼切禱切之至 大清國 大皇
帝問大法國大伯理璽天德好此次中國變起倉
猝開罪友邦迺蒙大伯理璽天德顧念近來邊務
往來邦交日密不至加以深責感佩之忱曷有旣
極用特派太僕寺少卿出使大臣裕庚呈遞國電
先伸謝悃還祈大伯理璽天德保全大局永敦和
好轉商各國盡捐嫌隙速定和議則感荷高誼益
無涯涘不勝盼切禱切之至 大清國 大皇帝
問大亞美理駕合眾國大伯理璽天德好此次中

國變起倉猝開罪友邦迺蒙大伯理璽天德顧念
邦交允爲排解並先撤兵感佩之忱曷有旣極用
特派四品卿銜出使大臣伍廷芳呈遞國電先伸
謝悃還祈大伯理璽天德保全大局永敦和好轉
商各國盡捐嫌隙速定和議則感荷高誼益無涯
涘不勝盼切禱切之至 大清國 大皇帝問大
義國大君主好此次中國變起倉猝開罪友邦迺
蒙大君主顧念近來商務日煩交情日篤不至加
以深責感佩之忱曷有旣極用特派四品卿銜出
使大臣羅豐祿呈遞國電先伸謝悃還祈大君主

保全大局永敦和好轉商各國盡捐嫌隙速定和
議則感荷高誼益無涯涘不勝盼切禱切之至附
貴京卿知會本日奉 旨國電四道希貴京卿迅
卽分電出使英法美義各使臣遵照辦理並一面
電知慶親王李鴻章幸勿刻延聞八月二十一日
各等因遵卽電達貴京卿請煩分電欽遵辦理爲
荷

張香帥來電

閏八月二十三日兼致峴帥

陝簡電二十日 寄諭想已奉到恭繹再三不得
其解慶邸前已派全權何以又派一也並准便宜

行事六字在劉張均著會商辦理之下似此語指
劉張而言僅止通函通電似無可行之事二也

論云折衷一是勿得兩歧竊思此時江鄂卽有所
見不過電達耶相並不能見外國議約諸使所謂
一是兩歧未詳何指三也或指將來開議後條款
耶此旨必有因或係耶相有奏或係洋人有言
杏翁知之否祈峴帥杏翁詳思速示以豁愚蒙

寄甯鄂督帥山東撫帥

閏八月二十三日

二十一電 旨復寄無訛計洽奏已到似因慶請回
鑾兩歧而發各國心服兩帥得此旨頗有益英人本

有京議不及滬議之說惜不發在傅相及英德使未北
之先不與會晤函電參酌恐隔膜延誤惟請旨事內
外意見相同則合詞入陳較有力是卽先發議論亦非
越俎如目前各國請嚴辦罪魁係存亡關鍵似可請慶
李會同兩帥據各國所言迅速奏催以副折衷一是之
聖意否則邸最謹慎相又未便獨發奉天已失東三
省全陷聞俄使云各國情形不同必須各立各約此德
俄使先在津會晤所由來若再遷延分裂定矣粵匪日
甚若不能自了又增一催促分裂之兆奈何

寄李中堂

閏八月二十四日

峴帥敬電云事機日緊尙未開議甚焦急各國多以遷
陝有礙商務及駐使藉以延宕其實幸陝係暫計陝
瘠苦中國患貧豈易遷都事定必力請回鑾亦必邀
允可否向各公使明言先行停戰開議顧全中國大局
戰固禍無底止和局再延商民亦將坐困中堂盡畫當
已鑒及辦拳黨尤要著似宜再請籌商各國移津議款
較便統祈鈞裁宣轉

李中堂來電

閏八月二十四日

鄂元電江覃電均悉兄到京後卽會慶邸將美外
部嚴辦罪魁某某德復電執政所犯罪應論死轉

奏並聲明若此時自行懲辦當可止西犯否則應
將致亂者分別從嚴治罪安置萬不可仍隨行
在使其藉口致稽開議計月初應奉電 旨昨奉
十四 寄諭召榮相回 行在入直辦事榮到能
助力否現約在京各使二十七會議恐因未齊緩
期聯軍赴保定廷藩擬牛酒犒師雖非空城或不
櫻怒瓦帥來京恐有詭計若再往正定意在生擒
毓賢恐引其深入耳 回鑾明知不允中外望切
祇得切實密奏希轉各帥並李使

寄慶親王李中堂

閏八月二十五日

皓電奏已轉西安馮署藩遞行在聞岑撫已在潼關
接印頃接鄂電如右美柔使昨到今行見三次力勸阜
結問鄙人意指答云奉託美國邀同英日勸各國開議
柔云切盼回鑾張云洋兵未撤不免憂慮不便回
鑾幸陝非遷都事定必回陝捷速於議約便柔云拳
黨未懲辦皆在左右如何議得成張云朝廷必將拳
黨懲辦但輕重則不敢知柔云南京亦如此說但至今
未辦總未能進一步如何勸解張云如何方是進一步
柔云須令拳黨遠離聖上之側令人看管不干預政
事不與廷臣通氣如此當可開議張云如有旨令其

離開自不能干預通氣不必看管柔云我當電告美外
部京康使張云各國必欲離開君側者係何人須明告
我方能會商具奏不然我如何揣度柔云我當告各國
開出姓名張云貴國旣願速結甚感惟京沽函電須四
五日始到豈不遲誤懇貴國將行軍線借我通密電柔
云可行當卽電告康使又云美總不變宗旨各國今日
情形變否難料臨行時云到滬卽赴京旣能進一步我
必爲辦成一事我之言語卽是英國言語等語柔使禮
和意厚叩以各國事微露而不深說美國分際向來如
此以離開爲進一步亦不可解姑切託之未知各國如

何至允偕行軍電卻甚要緊不知未開議以前辦得到否謹奉達請京卿轉邸相

寄西安馮方伯

行在軍機處

閏八月二十五日兼致慶邸李相劉張二帥

華盛頓伍使電請轉行在軍機大臣云謹將國電遞總統二十五接復書文曰大美國大伯理璽天德問大清國大皇帝好貴國駐美大臣面遞閏八月二十一日大皇帝國電一道接覽欣慰中國變起傷害各國臣民大損利益大皇帝願各國盡捐嫌隙和商妥議敝國實有同心前經照會各國盼望速結大皇帝素篤邦交招徠保護今釀禍眾魁不特貽害各國並且獲罪

中朝如蒙 大皇帝權操自上力能嚴懲罪首使各國
深信諒和局即可開議等因請代奏並請轉慶邸傅相
劉張兩帥

李中堂來電

閏八月二十五日

京城遭變官民蕩然米貴天寒斷難存活據東南
濟急會派人拯救款絀恐難持久望速電東南各
帥及司道廣籌協濟至盼

劉峴帥來電

閏八月二十六日兼致香帥

柔使所談各節與在甯略同均極和平辦禍首萬
難再緩邸相已奏劾若各省再作接應當可有濟

香帥於意云何若照辦柔使言似可酌量敘入

袁慰帥來電

閏八月二十六日兼致劉峴帥張香帥

諸人縱庇拳匪遺憂宗社卽無各國要素亦應從嚴治罪以彰國法況各協力以請必得甘心懲之則宗社可保天下可定諸人亦未必全死縱之則大局必裂全國必亡諸人終必同歸於盡利害相形昭然易辨如慶李言再不中惟望兩帥率各省爲繼耳

劉峴帥來電

閏八月二十六日兼致香帥慰帥

頃照杏翁電擬奏稿奉商請酌改各省有願列銜

者卽照列既有折衷一是之旨香帥必須會銜
稿如下奏爲密陳大計以救危亡恭摺仰祈 聖
鑒事竊以此次拳匪肇亂中外搆兵馴致決裂不
堪實爲千古所罕見各國因聽各駐使之言歸罪
於誤信拳匪之王公大臣必欲嚴速懲辦方可議
和臣坤一臣之洞每晤各國領事及經過洋員剴
切開導示以閏八月初二 諭旨囑其轉達外部
催令開議停戰而各國以事未施行疑係空言搪
塞固執前說眾口一詞觀於德日所覆國書及美
總統之言其情可見若不迅速懲辦現在聯軍已

抵保定並聞將趨正定似此深入不已萬一漸引而西斷非程文炳董福祥等所能敵亦非百二河山所能阻不得不仰懇 宸斷立將該王公大臣分別治罪安置毋令隨扈以平各國之憤以釋各國之疑當可早日開議該王公大臣誤用拳匪或出一時愚忠惟各國噴有煩言勢將憂及 宗社卽應以身任咎古來當國輔臣每遇水旱盜賊輒以佐治無狀自請罷斥義固應爾史冊可徵況輕開鄰衅 乘輿播遷該王公大臣應亦體量及此且由我速辦尙存自主之權去可復還奪可復予

若遷延日久時局日非深恐將來要素日堅轉非該王公大臣之福此外各省有釀成拳禍殺戮無辜之員應行重懲朝廷自有權衡臣等自五月以來驚魂欲斷血淚將枯自維待罪疆圻何敢妄預內政第事關存亡大計不得不冒死瀝陳伏乞

皇太后 皇上聖鑒云此奏若發未可再遲擬卽電陝藩具摺密陳候電復

寄江督劉峴帥鄂督張香帥東撫袁慰帥

閏八月二十
六日

慰帥擬俟慶李不中再會奏似不及同時並舉方能折衷一是峴帥奏稿該王公大臣誤用拳匪至轉非該王

公大臣之福百二十九字尤足喚醒醉夢日來英美領事密告如各帥不能自請辦理恐聯軍一面由正定而西一面假道長江由襄陽入陝只拏禍首並請變駕北還惟念長江有約不使用武可否與兩帥說明並無惡意不過假道等語當告以長江爲入陝門戶督撫斷不能允假道雖知不勝亦必効死各省糜爛數十年難復元近日洋人多以此相詢雖多方解說仍恐水陸兵多人則必變仰蒙委任數月來不安寢食有聞不告又恐失誤可否請覬帥候鄂電卽將全奏電陝藩代繕應列銜者速電商列

潼關王中堂來電

閏八月二十六日兼致劉張二帥

懲辦加重約以何等爲度試懸擬速密示東三省
糜爛至此益難收拾今日安抵潼關剛病出缺二
王均未隨扈

寄北京慶王李中堂江督劉帥鄂督張帥東撫袁帥

閏八月二十七日

孫道鍾祥敬電稱頃偕張協首府縣到安肅迎晤英賈
提督請大隊勿入省城法杜統領頗出力英提語氣甚
不滿藩司要與講理二十六到保如能容忍婉言方免
衅且聞聯軍指日西向係爲追蹤巨衅云

劉峴帥來電

閏八月二十七日兼致香帥慰帥

聯軍將榮相剛董並論駭極擬電邸相向各使及
聯軍爲榮剖白請杏翁轉京香帥若聯名尤得勁
希候鄂信至明日辰刻止如鄂無電卽照發文曰
慶王爺李中堂鈞鑒閱盛京堂轉孫鍾祥電有聯
軍詢及榮相剛董上能嚴辦或可止兵等語甚爲
駭異榮相雖統武衛軍而庇匪攻館實非其意當
拳匪初起時榮相主勦奏請七次未允六月初有
電可查曾經登報中外共知董福祥堅不任勦致
釀此變維時京津鼎沸舉國若狂上有擅權之王

公下有跋扈之將領同儕排擠幾蹈危機榮相孤
掌難鳴苦心調護始終以保使爲要兵匪攻館不
下將用開花大礮榮相堅阻乃止是榮與剛董居
心行事迥不相同何能相提並論且行在政煩
樞垣責重榮相尙知大體正思賴以斡旋各國要
案人數日多轉慮不能辦到如其榮果袒匪亦難
卻外人之情無如榮剛水火前事具存在朝廷
宜懲眞禍首以明是非在各國亦以辦眞拳黨乃
爲公允務請王爺中堂向各公使及聯軍剴切爲
榮剖白若將孫鍾祥電入奏亦請勿列榮名坤與

榮非有所私事體所在更未可將政府在前諸人
概行劾罷致行在乏人辦事轉令真誤國者藉
以倖免關係至鉅伏候鈞裁云並祈查翁向各領
事力爲分割囑其各達公使以全大局盼電復

袁慰帥來電

閏八月二十七日

甯沁電是極佩甚救使事榮相實冒險出力厥功
甚偉斷不可沒此人亦斷不可少請查公圖之另
有記載榮事由排遞滬

又

閏八月二十七日兼致劉張二帥

詳讀甯擬奏稿內因聽各駐使之言一語查攻館

時諸人欲殺使滅口今見此語將謂救使者之誤
事擬改爲因攻館戕使之變萬一兩字似可刪去
可復還奪可復予八字恐各國必不允且與慶李
電嚴治竄殛各語兩歧似亦可刪迅速懲辦下擬
加無以彰 兩宮之本意不足饜各國之羣情

十六字抵保定下擬加法兵已分往定州七字所
能阻下擬加款議多延一日洋兵多進一步佔地
愈廣兵費愈增就款愈難受虧愈甚六句體量及
此下擬加當不忍使二百數十年之 宗社二十
二行省之疆域數萬萬無辜之生靈舉以同殉四

旬是否有當仍乞詢政

寄北京慶親王李中堂

閏八月二十八日

頃香帥感電擬會峴帥銜電軍機處代奏其文曰近日迭接使俄楊儒使日李盛鐸電及各洋電奉天吉林齊齊哈爾三省城及甯古塔琿春三姓伯都訥愛琿遼陽錦州長春皆爲俄踞山海關亦爲俄踞開平煤礦又爲俄踞房山縣係西山出煤總口則爲德踞接保定探電聯軍萬餘已到保定前隊赴定州新樂將趨正定赴山西查毓賢已奉旨開缺現在不知是否仍駐固關該撫以招引拳匪圍殺教士數十名爲各國深恨聯軍必

藉勦匪攻山西可否請明降 諭旨將毓賢嚴予處分
令其遠離晉省並降 明旨令錫良嚴勦山西拳匪以
免引敵致礙款局關內外各地被占洋兵西趨各節京
城信息阻滯除電全權大臣外謹電聞再坤一之洞屢
聞各國洋人言及出使大臣電皆必欲得毓賢而甘心
所以各洋使屢次並未指名催辦該撫者意欲作爲另
案藉勦匪爲名攻占山西昨美使柔克義言山西煤可
供地球四百年之用等語是各國欲藉此占盡中國之
利其意甚險萬不宜再中其計惟洋兵赴新樂京城尙
未知若與慶親王李鴻章電商往返必須八九日恐事

機已誤不得不急爲電陳不勝迫切惶悚之至合并聲
明請代奏坤一之洞同肅等語惟邸相請辦王大臣三
人而我等則處毓一人似乎兩歧然事機過急只可結
尾處聲明數語請三公再酌速復並請杏翁轉邸相謹
聞

張香帥來電

閏八月二十八日兼致峴帥

擬電致邸相云聯軍西行攻晉必速此時正定有
宋馬董余高諸軍獲鹿井陘一帶有方友升一軍
兵少械缺如何能禦不戰旣不可然一戰之後必
藉口攻城占地晉省全棄不可收拾矣馬玉崑良

將棄之亦可惜此事十分爲難實無善策查前撫
毓賢已開缺不應禍延晉省中堂王爺奉便宜行
事之命務望婉言力阻聯軍允以嚴辦毓撫痛勦
晉匪且緩數旬聽我辦法再進兵不遲至直晉諸
軍應如何辦理鈞懷想已妥籌辦法並望一面電
告錫中丞祈速電示坤一之洞同肅儉等語峴帥
願列銜與否請速電杏翁再杏電兩路西追一節
兩月以前早知此謀近日前派小兵輪入襄河量
水敵處力阻止此非到日久決裂不至出此此時
不慮長江漢口慮山西耳焦急萬狀

倫敦羅星使來電

閏八月二十八日

祈速轉慶邸轉相英德於本月二十三日正式換條
護中國商務並地照會開款中國沿江沿海以及
英德權力所及之處無論何國一體通商惠工
無阻二英德並不乘機而取中國土地均俾令保
守中立無闕為政策三如他國乘機取地英德不
行商明保守權利之法四英德將此約告明奧德
義日本俄美六國請其照辦

北京李中堂來電

閏八月二十八日並轉江鄂皖
濟川甯閩等省

鄂甯電江效電均悉前會慶邸電奏請辦首禍諸

臣怡鼎安置尙未奉旨旨載使臣回京劉德使將
繼至似不久可開議彼此各有數條惟賠款甚巨
實無辦法諸公能豫籌復爲要至東三省由壽山
倡率開衅相繼淪失壽死不蔽辜俄廷無久佔遼
只議約喫虧耳徐蔭軒崇文山延松岩及所謂汪
大皆自盡將來或有更新之望希轉

劉峴帥來電

閏八月二十九日兼致香帥慰師

鄂儉辰電悉擬致邸相電坤願列名請杏翁速發
濟勸電所慮僅調毓不能止兵誠爲篤論惟劾毓
與鄭軍公率相輔而行似必不可少端剛禍首毓

賢禍胎也頃滬示二十六電旨前議會奏件仍是泛指彈言似無甚裨益但如何擬議一節我輩固不敢言卽邸相亦未可輕言必先與各國商之欲辦某人某罪方允開議而後據以密陳庶合分際亦不致再生枝節轉難屢瀆聖聰此層邸相必已見及杏翁盍酌量電京聊備一說會奏如不發祈速示以便回覆願聯銜各省再事定回鑾摺留中已接到廷寄尊處到否如未當將全文電達

寄江鄂東督撫帥

閏八月二十九日

頃接仁和耆電云云已電邸相速商各國指實據以入告勝於平空懸擬免致再生枝節許善奎綽王劉均已電知緩奏

寄北京李中堂

閏八月二十九日

各帥正擬會奏以助皓電之力昨見耆旨想鈞處必可指實主名擬議復奏各帥公疏暫擱此時如何措詞方有用江鄂囑請密示

張香帥來電

閏八月二十九日兼致峴帥慰帥

會奏請懲摺擬改數處聽各駐使之言六字擬刪去不必添誤信改信用經過洋員擬改美新使柔

克義六字抵保定下加前隊已到新樂六字正定
下加改山西二字萬一兩字必宜刪迅速懲辦下
加無以彰 兩宮之本意無以杜 回鑾之要
挾十六字所能阻下加款議多延一日洋兵多進
一步佔地愈廣賠費愈鉅和議條款愈苛二十六
字體量及此下加當不忍使 大清二百數十年
之 宗社因諸人而遂至阽危 皇太后 皇
上之聖躬因諸人而屢受驚險數百萬無辜之生
靈因諸人而同遭塗炭五十四字予可復還二句
與慶李太兩歧究有窒礙擬刪去可復兩句於復

予下添罪可復赦開議以後尙可婉商十二字仍是峴帥意但較活耳擬附一片文曰再各國此時皆請懲辦首禍但考外洋各國通例懿親有罪亦不加刑可較平人稍輕臣等密探日本之意似已許可至尙書趙舒翹一員各國雖亦指名請懲其語氣尙不在最爲切齒深恨之列當可稍分等差臣等既有所聞自應密陳以備 朝廷裁度除電知全權大臣外理合附片具奏伏祈 聖鑒謹奏等語片內放鬆趙者乃實情且使 朝廷易辦各國最重者端剛毓董也鄂撫于願列銜等語今日

此摺萬不可發請錄出存查以備將來若有續奏
當可採用也